

आकाशवाणी

खबरां -----

1 संसद दे दौनें सदनं दी सांझी बैठक च राष्ट्रपति दोपदी मुर्मू हुंदे अभिभाषण पर धन्नवाद प्रस्ताव पर चर्चा शुरू होई।

2 त्रै नमें अपराधिक कन्नू राएं तौले न्या ते पीड़ितें गी उंदे हक्क दोआना यकीनी बनोग, गलाया गृह मंत्री अमित शाह होरें।

3 प्रधानमंत्री नरेंद्र मोदी होरें डिजिटल इंडिया पैहलकदमी दे 9 बरे कामयाबी कन्नै पूरे होने दी सराहना कीती।

4 केंद्री मंत्री डॉ. जितेंद्र सिंह होरें अज्ज नमीं दिल्ली च परोआरिक पेंशन भोगिएं दी शकैतें दे हल आस्तै इक खास अभियान शुरू कीता।

5 महिला क्रिकेट च भारत नै दक्खन अफ्रीका गी चिन्नेई च इक मात्र टेस्ट मैच च 10 विकटें कन्नै हराई दिता।

<><><><><><>

Parliament Motion of Thanks

संसद दे दौनें सदनें दी सांझी बैठक च राष्ट्रपति द्रोपदी मुर्मू हुंदे अभिभाषण पर धन्नवाद प्रस्ताव पर चर्चा जारी ऐ। भारतीय जनता पार्टी दे सांसद अनुराग सिंह ठाकुर होरे चर्चा च हिस्सा लेंदे होई पिछले 10 बरें च सरकार आस्सेआ बक्ख-बक्ख क्षेत्रें च कीती गेदी पहलकदमिं दी सराहना कीती। उनें आखेआ जे अर्थ बवस्था च बाद्दे ते लोकें दी भलाई बेहतरी आस्तै प्रधानमंत्री नरेंद्र मोदी हुंदी नुमायंदगी च सरकार नै नेकां गेई पुट्टियां न। श्री ठाकुर होरे आखेआ जे 25 करोड़ लोकें गी गरीबी थमां उबारेया गेआ ऐ। उनें आखेआ जे सरकारै प्रधानमंत्री गरीब कल्याण अन्न योजना तैहत 80 करोड़ लोकें गी मुफ्त अनाज दिता ऐ। श्री ठाकुर होरे गलाया जे गरीब लोकें लेई 4 करोड़ घर ते 12 करोड़ शौचालय बनाए गेन। अर्थ बवस्था च तेजी आनने गितै कीती गेदी पहलें गी लेइए उनें आखेआ जे पिछले 10 बरें च बैंकें दी रास-पूंजी च केई गुणा बाद्दा होआ ऐ। संयुक्त प्रगतिशील गठबंधन यूपीए दे शासन दौरान देसै दी अर्थ बवस्था 5 सब्बनें शा कमजोर अर्थ बवस्थाएं च ही पर हुन देस 5मीं सब्बनें शा बड्डी अर्थ बवस्था बनी गेआ ऐ ते तौलें गै त्री सब्बनें शा बड्डी अर्थ बवस्था बनी जाग। श्री ठाकुर होरे यूपीए सरकारै पर घोटालें पूंजीवाद दा पक्ख लैने

आहली ते नीति पंगता दा आरोप लाया। उनें यूपीए दे कार्जकाल दौरान संविधान गी कमजोर बनाने दा आरोप बी कांग्रेस पर लाया। भाजपा दे सांसद बांसुरी स्वराज होंरें आखेआ जे करसानें दी भलाई बेहतरी ते महिलाएं दा सशक्तिकरण सरकारें दी प्राथमिकता ऐ। उनें आखेआ जे प्रधानमंत्री किसान योजना तैहत अर्जे तोड़ी करसानें गी 3 लकख करोड़ रुपें शा बद्द तकसीम कीते जाई चुके न ते अनाज दे घट्टोघट्ट समर्थन मुल्लें च बी बाददा कीता गेआ ऐ। एहदे शा पैहले सदन दी कार्रवाई जिसलै रम्भ होई ते विपक्ख दे लीडर राहुल गांधी होंरें नीट दे म्तेहान च होई दी कथित गड़बड़ी दे मुद्दे गी पुट्टेया। एहदे पर रक्षा मंत्री राजनाथ सिंह होंरें आखेआ जे संसदी दी कार्रवाई नियमें पर आधारित हुंदी ऐ। उनें विपक्ष गी आखेआ जे कोई बी चर्चा राष्ट्रपति हुंदे अभिभाषण पर धन्नवाद प्रस्ताव परेंत गै कीती जानी लोड़चदी। विपक्षी मिम्बरें नीट पर सदन थमां वाकआउट कीता। राज्यसभा च अज्ज बड्डलै जिसलै सदन दी कार्रवाई रम्भ होई सभापति जगदीप धनखड़ होंरें विपक्षी मिम्बरें नीट म्तेयान च कथित गड़बड़ी गी लेइये दित्ते गेदे स्थगन प्रस्ताव गी खारिज करी दित्ता। राष्ट्रपति द्रोपदी मुर्मू हुंदे अभिभाषण पर धन्नवाद प्रस्ताव पर चर्चा रम्भ कीती। चर्चा च हिस्सा लेंदे होई विपक्ष दे नेता मल्लिकार्जुन

खड़गे होंरें आरोप लाया जे एहदे च गरीब दलित, अल्पसंख्यकें लेई किश बी नेई हा। उनें पेपर लीक, ट्रेन हादसा, जम्मू-कश्मीर च आतंकी हमले ते होर मुद्दे बी पुट्टे। संसदीय कार्यमंत्री किरें निजिजू होंरें बी मुद्दे पर प्रतिक्रिया दिंदे होई आखेआ जे सब्बै प्रतिभाएं गी इक्क नेई थाहरै पर स्थापित कीता गेआ ऐ जित्थुआं लोक बेहतर ढंग्गै कन्नै इनेंगी दिक्खी सकंगन ते श्रद्धांजलि देई सकंगन। एहदे शा पैहले दौनें सदनें टी-20 विश्व कप जित्ने लेई भारतीय मर्दे दी क्रिकेट टीम गी बधाई दिती।

<><><><><><>

Shah-Criminal Laws

केंद्री गृह मंत्री अमित शाह होंरें आखेआ ऐ जे अज्जै थमां लागू होए दे 3 आपराधिक कन्नू देसै च आधुनिक आपराधिक न्या प्रणाली दी नुमायंदगी करंगन ते इंदे कन्नै तुरत न्या ते पीड़ितें दे हक्क यकीनी बनडन। उनें गलाया जे आपराधिक न्याय प्रणाली हुन पूरी चाल्ली स्वदेशी ऐ। श्री शाह होर अज्ज नमीं दिल्ली च 3 आपराधिक कन्नूनें बारै जानकारी देआ रदे हे। गृह मंत्री होंरें आखेआ जे पहले शड़े पुलिस दे हकें दी राखी कीती जंदी ही, पर हुन पीड़िते शकैत करने आहले दे हकें दी बी रक्षा होग। गृह मंत्री होंरें आखेआ जे सरकारै देश विरोधी

गतिविधियें खलाप नमें प्रावधानें कन्नै राजद्रोह कन्नै गी खत्म करी दितता गेआ ऐ। उनें आखेआ जे नमें कन्नै च महिलाएं ते बच्चें खलाप अपराधें गी प्राथमिका दिती गई ऐ। श्री शाह होरें इब्बी दस्सेया जे सामूहिक बलात्कार ज्नेय अपराध लेई हुन 20एं बरें दी कैद या आजीवन जेल दी सजा होग। उनें गलाया जे नाबालिग कन्नै बलात्कार लेई मौत दी सजा दिती जाग। श्री शाह होरें दस्सेया जे नमें कन्नै च भीड़ दी हिंसा दे खलाप बी प्रावधान न। गृह मंत्री होरें आखेआ जे विपक्ष इनें कन्नै बारै गलत जानकारी ँ ला करदा ऐ।

<><><><><><>

LG-Criminal Laws

लेफ्टिनेंट गवर्नर मनोज सिन्हा होरें आखेआ ऐ जे त्रै नमें आपराधिक कन्नून् मुख्य दी आपराधिक न्याय प्रणाली गी उप निवेशिक दौर दी मानसिकता थमां आजादी दोआंगन। उनें आखेआ जे अज्जै थमां लागू होए दे एह नमें कन्नून् भारत दी आपराधिक न्याय प्रणाली च व्यापक तब्दीलियां आहन्नडन। एह त्रै नमें कन्नून्-भारतीय न्याय संहिता, भारती नागरिक सुरक्षा संहिता ते भारती साक्ष्य अधिनियम बिलतरतीब आई.पी.सी, सी.आर.पी.सी ते इंडियन एविडेंस एक्ट दी थाहर लैडन। एल.जी सिन्हा होरें आखेआ ऐ जे ओह जम्मू-कश्मीर पुलस गी

मुबारकबाद दिंदे न जिनें ऐकड़े नमें कन्नू तैहत पैहली ए॥ .आई.आर दर्ज कीती ऐ। पिच्छले 4 बरे दरान बक्ख-बक्ख सरबंधत धड़ें कन्नै व्यापक सलाह सूत्र दे मगरा इनें त्रौनें नमें कन्नूनें गी लागू कीता गेआ ऐ। इस कार्यक्रम च जम्मू-कश्मीर ते लद्दाख हाईकोर्ट दे मुख्क न्याधीश जस्टिस एन. कोटीश्वर सिंह, सलाहकार आर.आर भटनागर, मुख्क सचिव अटल डुल्लु ते जीजीपी आर.आर स्वैन होंरें बी हिस्सा लैता।

<><><><><><>

PM Digital India

प्रधानमंत्री नरेंद्र मोदी होंरें डिजिटल इंडिया पैहलकदमी दे 9 बरे कामयाबी कन्नै पूरे होने दी सराहना कीती ऐ। सोशल मीडिया दी इक पोस्ट च श्री मोदी होंरें आखेआ जे डिजिटल इंडिया सशक्त भारत दा प्रतीक ऐ। उनें पिच्छले दहाके दरान इस दिशा च पुट्टी गेदी बड्डी गेंहीं दा बी जिक्र कीता। डिजिटल इंडिया अभियान दे चलदे हुन 11 करोड़ शा मते करसानें गी पैसा सिद्धे उंदे बैंक खातें च थहोआ करदा ऐ ते एह गिनतरी कनाडा ते फ्रांस दी सांझी आबादी कोला बी मती ऐ। 137 करोड़ शा मते आधार नंबर कायम कीते गेदे न जेड़े करोड़ बद्धे लोकें गी डिजिटल शिनाख्त उपलब्ध करोआ करदे न। एहदे अलावा

डिजिटलकर राहें 674 करोड़ शा मते दस्तावेज जारी कीते जाई चुके दे न। भारत नेट नै 6 लक्ख 83 जहार किलोमीटर दे ओपटीकल षा इबर दा नेटवर्क बछाए दा ऐ जेड़ा पूरी धरतै दे 17 बारी चक्क लाने कोला बी मता ऐ। यूपीआई दे लैन-देन दर्ज कीते गेदे न। 34 करोड़, 60 लक्ख शा मते आयुष्मान कार्ड बनाए गेदे न ते एह आंकड़ा पूरे अमरीका दी आबादी कोला बी मता ऐ। मुख्य च 9 करोड़ शा मते षा स्ट-टैग जारी कीते गेदे न जेड़े 2023 च पूरी दुनिया च बनाई गेदी गड्डिएं दे आंकड़ें दे तकरीबन बरोबर न।

<><><><><><><>

Delhi-Congress

दिल्ली प्रदेश कांग्रेस दे अध्यक्ष देवेन्द्र यादव होरें आखेआ ऐ जे राजधानी च शुक्रवार गी बरखा दे चलदे पानी किट्ठा होने करी जान गोआने आले लोकें प्रति सोशल मीडिया पर संवेदना जाहिर करिए मंत्री आतिशी अपनी जिम्मेदारी थवां बची नेई सकदियां। उनें आखेआ जे इस करी जान गंवाने आले 11 लोकें दे परोआर आलें गी दिल्ली सरकार इक-इक करोड़ रपे मुआवजा देये। यादव होरें नमें कनूनें तैहत रेहड़ी-षा डी आलें खला षा ए षा आई.आर दर्ज करना, केंद्र सरकार आस्सेआ गरीब आदमी दी आजीविका पर हमला दस्सेया।

गी उजागर करदे होई सहयोग ते ज्ञान दे आदान-प्रदान गी बढ़ावा देना ऐ। भारत आर्टिफिशियल इंटेलीजेंस-जी.पी.ए.आई पर ग्लोबल हिस्सेदारी दे अध्यक्ष दे रूपे कम करोग ते सुरक्षित भरोसेमंद ए.आई ताई जी.पी.ए.आई दी प्रतिबद्धता गी अगगै बढ़ाने आस्तै मिम्बर देसैं ते माहिरें दी मेजबानी करोग। इस सम्मेलन च इलेक्ट्रानिक्स ते सूचना टेक्नोलाजी मंत्री अश्विनी वैष्णव, राज्यमंत्री नितिन प्रसाद ते सचिव एस. कृष्णन सने टेक्नोलाजी क्षेत्र दिएं मन्नी-परमन्नी दियां हस्तियां ते नीति निर्माता शामिल होंगन।

<><><><><><>

Jitendra-Pension

कार्मिक, लोक शकैत ते पेंशन सरबन्धी राज्य मंत्री डॉक्टर जितेंद्र सिंह होरें अज्ज नमीं दिल्ली च परोआरिक पेंशन भोगिएं दी शिकायतें दे हल आस्तै इक खास अभियान शुरू कीता। पेंशन ते पेंशनभोगी कल्याण विभाग नै परोआरिक पेंशनभोगिएं दी शकैतें दे निपटारे आस्तै 100 दिनें दी कार्य योजना शुरू कीती ऐ। इस्सै तैहत इक म्हीने दा खास अभियान 31 जुलाई तगर चलोग। इस अभियान च 46 मंत्रालय ते मैहकमे हिस्सा लेंगन। इस मौके पर डॉ. सिंह होरें आखेआ जे महिलाएं आस्तै परोआरिक पेंशन योजना च कीते गेदे संशोधन

सकारात्मक न। उनें आखेआ जे पैहले तलाकशुदा महिला पेंशन लाह
हासिल करने आस्तै अयोग्य हियां। संशोधित दिशा-निर्देशों च साक्ष्य दे
तौर पर रिट याचिका पेश करने पर ओह हुन परौटारिक पेंशन दी
हकदार ऐ। डॉ. सिंह होरें आखेआ जे एह लो प्रावधान दे गलत
इस्तेमाल गी रोकदी ऐ। इस मौके पर पेंशन ते पेंशन भोगी कल्याण
विभाग दे सचिव वी श्रीनिवास, साबका ँजी कल्याण विभाग दे
सचिव डॉ. नितिन चंद्रा, सीमा सुरक्षा बल दे महानिदेशक महानियंत्रक
अग्रवाल, लेखा, महानियंत्रक एस.एस दुबे मौजूद हे।

<><><><><><>

Gas-Price

तेल कंपनियें कर्मिशयल एलपीजी गैस सिलेंडर दे भा च 30 रुपें दी
कटौती कीती ऐ। 19 किलो दे कर्मिशयल सिलेंडर दी कीमत च कीते
गेदा बदलाव अजें थमां लागू होई गेआ ऐ। कीमते च कमी करियें
दिल्ली च इस सिलेंडर दा परून भा हुन 1,646 रुपे होग।

<><><><><><>

PM-Doctors Day

प्रधानमंत्री नरेंद्र मोदी होरें अज्ज डाक्टरें सरबंधी ध्याड़े दी सब्बनें
डाक्टरें गी शुभकामनां दित्तियां न। श्री मोदी होरें सोशल मीडिया पोस्ट

च आखेआ जे एह ध्याड़ा देसै दे सेहत सेवकेँ दे समर्पण ते करूणा दा सम्मान करदा ऐ। श्री मोदी होरें आखेआ जे सरकार देसै च सेहत सरबन्धी बुनियादी ढांचें च सुधार ते डाक्टरें गी सम्मान प्रदान करने ताई पूरी चाल्ली बचने बज्झी दी ऐ।

<><><><><><><>

PM-CA Day

प्रधानमंत्री नरेंद्र मोदी होरें चार्टड अकाउंटेंट दिवस पर सब्बै चार्टड अकाउंटेंट गी शुभकामनां दितियां न। श्री मोदी होरें सोशल मीडिया पोस्ट च आखेआ जे चार्टड अकाउंटेंट आर्थिक परिदृश्य गी मूर्त प देने च महत्वै आहली भूमिका नभांदे न। उनें गलाया जे आर्थिक विकास ते स्थिरता च बी चार्टड अकाउंटेंट महत्वै आहला जोगदान दिंदे न।

<><><><><><><>

Women-Cricket

महिला क्रिकेट च भारत नै दक्खण अफ्रीका गी चिन्नेई च इक मात्र टैस्ट मैच च 10 विकेटें कन्नै हराई दिता ऐ। एह मैच एम. ए चिदंबरम स्टेडियम च खेडेआ गेआ। भारत नै पैहली पारी च 603 रन दा बड्डा स्कोर बनाया जेदे परते च दक्खण अफ्रीका पैहली पारी च 266 रन पर गै सिमटी गई ते उनेंगी ऑनलाइन खेडवना पेआ। दुइ

पारी च बी दक्खण अफ्रीका छड़ी 36 रन दी बढत लेइए 373 रन प
सिमटी गई ही परते च भारतीय टीम नै बिना कुसै नुकसान दे 37
रन दा लक्ष्य बड़े गै सखल्ले हासिल करी लैता। हुन भारत ते दक्खण
अफ्रीका बश्कार टी-20 अंतरराष्ट्रीय क्रिकेट श्रृंखला च होग। एह श्रृंखला
5 जुलाई थवां शुरू होआ रदी ऐ।

<><><><><><>

IMD

मौसम विभाग नै अगले दऊं दिनें दौरान मौलेधार बरखा करियै उत्तर
पच्छम, पूर्व ते पूर्वोत्तर भारत च ओरेंज ते रेड अलर्ट जारी कीता ऐ।
आकाशवाणी कन्नै गल्ल करदे होई मौसम विभाग दे साइंसदान सोमा
सेन राय होरें आखेआ जे मानसून तौलें गै औने आहले चार पंज दिनें
च पंजाब, हरियाणा, राजस्थान दे किश हिस्सें गी कवर करने परेंत
समूलचे देसै च पै ली जाग।

<><><><><><>

Court-Patkar

दिल्ली दी इक अदालतै अज्ज सामाजिक कार्यकर्ता मेधा पाटकर होरें
गी दिल्ली दे मौजूदा उप राज्यपाल विनय कुमार सक्सेना हुंदे
आस्सेआ दायर 2 दहाकें सोयां मते पराने आपराधिक मानहानि मामले

च 5 म्हीने दी कैद दी सजा सनाई। साकेत अदालत दे मेट्रोपालिटन मजिस्ट्रेट राघव शर्मा होरें 25 मई गी पाटकर होरें गी भारतीय दंड संहिता दी दफ्तर-500 तैहत आपराधिक मानहानि अपराध आस्तै दोषी ठहराया हा। सक्सेना होरें 2001 च इक प्रेस विज्ञप्ति दे माध्यम राएं उनेंगी बदनाम करने आस्तै पाटकर खिलाफ मामला दायर कीता हा। सक्सेना उसलै इक गैर सरकारी संगठन नेशनल काउंसिल दे अध्यक्ष हे। इस पर ओह गुजरात दी अहमदाबाद थाहर इक मुकामी अदालत गए हे। 2002 च सर्वोच्च अदालत दे आदेश पर मामला साकेत अदालत च मुंतकिल कीता गेआ हा।

<><><><><><>